

大清會典

內務府

大清會典

內務府

慶豐司

每年 欽派總管內務府大臣一人值年

郎中二人 員外

郎八人 主事一人 委署主事二人

掌牧牛羊之政令

○凡牛羊之牧於京者別以廐置內牛圈二 在

皇城内。額養牛一百三十五。內驕牛十二。乳牛一百十二。搭牛六。牡牛三。青牛一。黑牛一。外



牛圈二。在南苑。一續牛圈。額養牛一百三十。內駟牛十二。牯牛二。牡牛二。青牛二。

乳牛一百十。耕藉黃牛三。一乳餅牛圈。額養牛五十九。內乳牛五十五。牯牛二。牡牛二。

羊。圈六。在豐臺。額養殺羊千有七百。內一等者七百。二等者一千。又黑羊十五。格地羊十七。

鳥珠穆沁羊二十。其每歲蒙古四十。設廐長。內九旗各進羊一。即入於一等羊內。

牛圈及羊圈每圈一人。月各給銀二兩。每季各給米五石三斗。其由筆帖式拜唐阿護軍補授者。俱食本

廐副。內牛圈羊圈每圈二人。外牛圈身錢糧。共三人。其應給銀米與廐長同。

廐丁。內外牛圈及羊圈各十二人。月各給銀一兩。每季各給米二石六斗。而任以

牧事。內外牛圈值年司官二人。羊圈值年一人。均於本司員外郎內派兼。

凡大祭祀供黝牛全牛。常祀則供羊。壇

廟大祀。每次供黝牛一。坤寧宮四孟月祀神。每次供全耳駟牛二。皇子分封後

初次祀神。供全耳駟牛一。奉先殿恭遇。聖誕忌辰。並清明端陽重陽霜

降等四節。致祭。每次供羊二。內城隍廟。永佑寺恭遇。萬壽聖節及秋季致祭。每次供

羊二。襄昭親王園寢。每年清明中元歲暮三次致祭。各供羊一。曹八里屯格格墓。及襄昭親王

園寢之格格墓。每年清明歲暮兩次致祭。各供羊二十六。

皇帝親耕供耕牛

每年順天府移取耕耜畢仍歸南苑

牛園牧養其不堪用者亦留養本園如遇倒斃令順天府和買補額燕饗供饌羊

每年保和殿正大光明殿山凡高水長筵燕均由掌儀司咨給羊隻

御膳乳牛脩羊日備進焉

酪俱由牛園取乳供羊由

羊園取用

巡幸則飼於途以應用

凡定額乳牛由茶房撥派羊由

膳房撥派本司如數豫備隨往沿途餵牛草豆呈明移付會計司分派各莊頭按站領取羊隻

即於餵牛草豆數內隨帶餵養其沿途所用羊隻皮張照例按站賞給莊頭其裝載牛犢羊隻並需用物件車輛酌量足用呈明移付辦理車輛官員處領取

皇子公主婚嫁供禮羊禮牛

皇子婚禮初定用羊三十六成婚用羊

四十五合卷用羊五給來使用羊四如親王等之子由內庭婚娶者均據掌儀司奏准羊數給與凡公主初遇喜生子給牛四羊四十生女給牛二羊二十郡主生子給牛二羊二十縣主縣君生子各給牛二羊十公主初回蒙古部落沿途日給羊二每七日給牛一陪嫁人每戶給駕車牛二郡主縣主日給羊一陪嫁人每喇嘛戶給駕車牛一均據掌儀司咨文給與

諷經供牛羊既事則入圈

每歲元日。中正殿諷經用黑乳牛一。黑

羊一。每月初二日十六日諷經用白驕牛一。白驕羊一。均於內牛圈及羊圈咨取。每年湯山於

驚蟄時諷經用紅乳牛一。於外牛圈咨取。用畢後仍歸各原圈牧養。凡供餅酪皆

有常額

供內庭乳餅乳酪。每牛額取乳二斤。皇帝用乳牛五十。皇后用二

十五。貴妃用四。妃用三。嬪用二。貴人常在於各分例內隨用。皇子娶福晉後用八。

其外牛圈成造乳餅。每月英華殿供獻大白乳餅。自四月至八月。各二百十個。九月至次年

三月。各一百二十六個。其安佑宮。每月朔望二次。供獻白乳餅五百四

十個。

○凡供牛。內圈不足則取之外圈。外圈不足則

取之牧羣。供羊亦如之。

內牛圈遇有添補更換。向外牛圈取用。遇有裁

減。亦交外牛圈餵養。其外牛圈之牛。羊圈之羊。每年行文張家口總管。交各羣揀選牛二百隻。

至二百五六十隻不等。羊八九十隻不等。委員送京交圈。仍由京派廐長一人。廐丁二人。至張

家口會同揀選。護送來京。值年大臣率同司官驗看。如有疲瘦者。將該總管並委派之員。叅處

治罪。仍將牛羊駁回更換。至送交牛羊時所過地方嚴查盜換。將查過之處。出具印結。交取牛

羊人員帶回。其各園內如有齒老傷殘者。牛交順天府變價。羊交膳房酌量應用。或交暢春園飼虎。其孳生乏乳之牛。撥交張家口牧放。

○凡牧牛羊。夏則出青。冬則入圈。

牛。除內圈及外圈耕藉牛

不出青外。其餘各牛。均於四月初一日赴南。死出青牧放。至十月十一日入圈。羊。除烏珠穆沁羊二十隻。格地羊十七隻。黑羊五隻。均不出青外。其餘一等羊。於四月初十日出青牧放。至九月二十五日入圈。二等羊於三月十五日入圈。各定以芻

菽之額。

內圈每神牛一。日給豆七升二合。穀草二束。乳牛日給豆二升。糟四升。穀草二

束。其格牛。牡牛青牛黑牛。每牛日給豆三升六合。穀草二束。外圈內每耕藉牛一。日給豆三升六合。穀草羊草共一束半。其神牛格牛青牛牡牛乳牛。除出青外。每牛日給豆一升。糟三升。穀草羊草共一束半。乳餅牛圈內。乳牛格牛牡牛。除出青外。每牛日給豆一升五合。糟三升。穀草羊草共一束半。羊圈烏珠穆沁羊格地羊黑羊一等羊。除出青外。每羊日給豆一升八合。二羊共給穀草羊草一束。二等羊日給豆九合。三羊共給穀草羊草一束。所用穀草由廣儲司領銀採買。豆由戶部支領。羊草由南苑支領。

○凡牛羊皆烙以印。

每年張家口外三旗牛羊羣。送到牛羊。於驗看後。烙

用官火印入圈。其遊牧處牛羊羣亦隨時烙印。如所用鐵印年久損壞均呈明移咨武備院繳

換。歲察其肥瘠。

每年一次查看圈内牛羊。如較別圈疲瘦者。廐長罰俸六月。廐

副鞭五十。二年俱屬疲瘦者。廐長罰俸一年。廐

副鞭八十。三年俱屬疲瘦者。廐長革職。廐副各

鞭一百。充

斃則入其皮。

凡圈内全耳驢牛耕耜。黃牛。遇有倒斃者。俱行

當廐丁。瘞埋。乳牛驢牛青牛牯牛牛犢。遇有倒斃皮張。

移送武備院。倒斃羊皮。併每月膳房用過羊隻

皮張。俱移送廣儲司。倒斃牛羊肉。據奉宸苑咨

文交送。景山。暢春園。圓明園等處。餵虎

及飼鷺鷥。如奉宸苑行文停止。牛肉瘞埋。羊肉

交廐長等鬻賣。一等羊每隻作銀三錢。二等羊

每隻作銀二錢。每月將倒斃牛羊數目。併所賣銀兩。呈明移交廣儲司。至張家口外及達里岡。愛各羣。如有倒斃牛皮。解交武備院。倒斃羊皮。換羊補額。三年乃覈其數而

責懲之。

三年一次查覈倒斃牛羊。除瘟疫倒斃者不議外。每牛百隻。倒斃十三隻以上。

千百隻。倒斃十隻以上。廐長鞭八十。廐副鞭五十。

凡羊春秋入其毛。

春秋

二季。廐丁共翦取羊毛四百八十斤。交納武備院。其口外各羣所翦羊毛。計四十六斤。折交羊

一隻。入

羣牧放。

○置牧場於邊外。凡牛羣牧場三。

張家口外。察哈爾三旗。共

額設牛羣四十。正黃旗牛羣十三。其牧場寬九
十里。周圍三百二十里。南至台賚嶺與張家口
同知所屬官地連界。北至額爾吉圖山梁。與本
旗牧羊場連界。東至沙喇呼都克。與王公牧場
連界。西至俄卜圖諾爾。與本旗牧羊場連界。鑲
黃旗牛羣十四。其牧場寬一百里。周圍四百二
十里。南至西巴爾泰哈畢爾噶布拉克。與本旗
祭哈爾爾游牧連界。北至木壘庫楞業克烏蘇。與
王公牧場連界。東至達吉山邱。與太僕寺左翼
馬場連界。西至哈木呼俄卜圖庫勒山坡。與
太僕寺右翼馬場連界。正白旗牛羣十三。其牧
場寬六十里。周圍二百八十里。南至趙奈曼粟
末。與多倫諾爾黃寺喇嘛牧場連界。北至巴噶
達噶諾爾。與本旗牧羊場連界。東至扎噶蘇台

諾爾南拜圖察漢。與正藍旗察哈爾游牧及王
公牧場連界。西至霍朶多諾爾。與本旗牧羊場
連界。**羊羣牧場四。**張家口外察哈爾三旗。共額設
羊羣一百四十。正黃旗羊羣五
十。其牧場寬一百里。周圍四百二十里。南至業
克塔爾喀朗拜牲圖。與本旗牧羊場連界。北至
察漢齊老台。與本旗察哈爾游牧連界。東至達
察烏蘭肅穆。與商都達布遜諾爾牧場連界。西
至呼普山梁。與本旗察哈爾游牧連界。鑲黃旗
羊羣四十。其牧場寬一百四十里。周圍四百六
十里。南至果爾班諾爾。與本旗察哈爾游牧場
連界。北至諾袞努魯博羅托哩木山。與右蘇尼
特扎薩克游牧連界。東至額爾吉訥克山。與本
旗及正白旗察哈爾游牧連界。西至阿魯齊倫

翁果綽烏蘇。與本旗察哈爾游牧連界。正白旗羊羣五十。其牧場寬一百里。周圍六百里。南至霍雅爾本巴。與太僕寺右翼馬場及本旗牧牛場連界。北至昂吉爾圖諾爾。西呼魯蘇圖博羅沙邱。與正藍旗察哈爾游牧連界。東至巴延諤隆野地。與正藍旗察哈爾游牧連界。西至察罕沙邱。與鑲白旗察哈爾游牧連界。達里岡愛羊羣八十。其牧場即馬駝場。設典牧之官。各率其屬。而任以牧事。

管理三旗牛羊羣都統一人。凡張家口外

達里岡愛總管。皆其所屬。張家口外三旗牛羊羣總管一人。副總管二人。牛羣羊羣協領各三人。委署協領各六人。每羣牧長一人。牧副一人。牧丁六人。筆帖式十二人。効力筆帖式二人。防

守尉三人。驍騎校四人。護軍校十二人。俱在羣兼協領。並牧長等差。護軍三百十三人。內二百十三人。在牛羊羣兼牧副牧丁等差。達里岡愛羊羣總管一人。即馬駝羣總管兼任。翼領三人。委署翼領六人。每羣牧長牧副牧丁。與張家口外同。筆帖式二人。防守尉一人。護軍校五人。俱在羣兼委署翼領。並牧長等差。委署驍騎校二人。護軍二百一人。內一百五十七人。兼牧長牧副筆帖式牧丁等差。其總管大臣遣府屬官管以下各官。皆用察哈爾。

以值年。五年則更調。

每五年一次。由司遣委署主事一人。筆帖式一人。赴

張家口外值年。隨同都統辦理牛羊羣事務。至五年期滿。委署主事。即以在京主事陞用。其筆

帖式。即陞為該處委署主事。歲覈其數以具題。京城各園牛

每年於二月題銷。其張家口外。達里岡愛及盛京。養息牧。打牲烏拉。牛羣羊羣出入數目。均

據各該處奏到後。若一月內。查覈具奏。

盛京

盛京黑牛館。額養黑牛七十。羊三百五十。設廐長六人。食二兩錢糧。廐丁三十六人。食

一兩錢糧。乳牛館。額養乳牛一百。牛犢一百。設廐長二人。食二兩錢糧。廐丁六人。食一兩錢糧。

其牛羊供三陵及都城隍廟祭祀。均由養息牧牛羊羣交送。每年由盛京將軍造

冊咨報。若養息牧。養息牧舊蘇魯克。額養牛二千。羊一萬。各分九羣。設翼長二人。

食二兩錢糧。其副翼長四人。牧長十四人。均食一兩錢糧。每二人管牛一羣。羊一羣。新蘇魯克

額養牛二千。分九羣。設牧長一人。食二兩錢糧。副牧長一人。領催二人。牧丁十五人。均食一兩

錢糧。每二人管牛一羣。黑牛一千。分四羣。設翼長一人。食二兩錢糧。其副翼長一人。牧長三人。

均食一兩錢糧。每一人管牛一羣。至新舊蘇魯克牧廠。在養息牧邊門外。周圍二百五十餘里。

東至賓圖王界。西至土默特貝勒界。南至邊柵界。北至庫倫喇嘛界。每年交送黑牛乳牛並種

盛京禮部官地。其出入數目。亦由盛京將軍造冊咨報。至均齊之年。由盛京將軍派員

辦理。其孳生額數。與張家口外三旗同。若打牲烏拉亦如之。打牲

張家口外三旗同。若打牲烏拉亦如之。打牲

張家口外三旗同。若打牲烏拉亦如之。打牲

五莊屯養牛四百餘隻。俱該屯種地之用。由屯丁牧養。每牛三隻。三年額取孳生牛一隻。每年由打牲烏拉總管造冊咨報。

○凡分羣之法。牛三百為一羣。羊千有一百為

一羣。羣設駝一馬三。壯馬一。北馬二。以供差。所設應差駝馬。每年

百隻內。倒斃不准過五隻。及歲則遣侍衛以均如逾數。令該管官賠補。

齊之。牛羣。六年均齊一次。羊羣。三年均齊一次。每屆均齊之年。張家口外三旗。每旗各遣

侍衛一人。達里岡愛亦遣侍衛一人。俱由在京領侍衛內大臣奏派。後會同該處總管。將牛羣

羊羣詳查額數。如有孳生蕃盛者。別為添羣。五牛六歲而課二犢。三

羊三歲而課一羔。三馬三歲而課一駒。視其羣

數之息耗。以差其賞罰。牛羣於六年均齊時。每五牛應孳生二犢。羊羣

於三年均齊時。每三羊應孳生一羔。其孳生之犢。除補倒斃外。餘犢一頭至十頭者。賞牧長毛

青布二十疋。牧副十疋。餘十一頭至二十頭者。賞牧長毛青布四十疋。牧副二十疋。餘二十一

頭以上者。賞牧長毛青布六十疋。牧副四十疋。如缺額一頭至十頭者。牧長牧副各鞭四十。缺

額十一頭至二十頭者。牧長牧副各鞭五十。缺額二十一頭以上者。牧長牧副各鞭六十。該管

協領按十二羣覈計。如七羣八羣得賞者。賞協領鑲領袖羊皮裏緞袍一件。毛青布十疋。如九羣十羣得賞者。賞協領狼皮端罩一件。毛青布二十疋。如十一羣十二羣得賞者。賞協領狼皮端罩一件。毛青布二十疋。如七羣八羣得鞭責者。罰協領俸六月。九羣十羣得鞭責者。罰協領俸一年。十一羣十二羣得鞭責者。協領降一級留任。委署協領賞罰與牧長同。該管總管按所管羣數贏餘至五百頭者為一成。積三成則各加一級。缺額至二百頭者為一成。積三成則各降一級。其孳生之羊除補倒斃外。餘羊一隻至八十隻不應得賞。自八十一隻至一百六十隻。賞牧長毛青布二十疋。牧副十疋。自一百六十一隻至三百二十隻。

賞牧長毛青布四十疋。牧副二十疋。自三百二十一隻以上。牧長賞毛青布六十疋。牧副四十疋。缺額一隻至一百隻者。牧長牧副各鞭四十。缺額一百一隻至二百隻者。牧長牧副各鞭五十。缺額二百一隻以上者。牧長牧副各鞭六十。該管協領翼領按十二羣例覈計。如七羣八羣得賞者。賞協領翼領鑲領袖羊皮裏緞袍一件。毛青布十疋。九羣十羣得賞者。賞協領翼領狼皮端罩一件。毛青布二十疋。十一羣十二羣得賞者。賞協領翼領狼皮端罩一件。鑲領袖羊皮裏緞袍一件。毛青布二十疋。如七羣八羣得鞭責者。罰協領翼領俸六月。九羣十羣得鞭責者。罰協領翼領俸一年。十一羣十二羣得鞭責者。協領翼領各降一級留任。其委署協領委署翼

領賞罰。均照牧長之例。總管副總管按所管羣數贏餘一千者為一成。至三成各加一級。缺額八百者為一成。至三成各降一級。其駝馬息耗之賞罰。與上駟院馬羣同。

○凡牛乳供以歲額。每年張家口外三旗牛羣額交膳房乳油一千三百

九十七斤八兩。乳餅六百十九斤。乳酒二千五百三十斤。運送乳酒等物至京。其駕車牛隻。自到京日起。每牛日給草二束。移會計司咨取。其回程時。每牛日給草一束。移戶部給票。按票支領。

○凡牧場隙地。徵其糧以儲備。張家口外游牧處。自英額爾活

羅至蘇拜活羅。蒙古等開墾地畝。共交穀五百石。折交米二百五十石。每年徵收貯於萬全縣倉。如遇蒙古等米糧不接之時。令該總管奏請借給。秋收時如數徵收入倉。倘遇偏災亦按分數豁免糧石。

筆帖式十有四人。

掌繙譯。

犧牲所。值年大臣一人。由總管大臣內簡派。一年更換。司官

二人。一由慶豐司兼充。一由各司兼充。二年一更換。

掌牧祭祀之黝牛

犧牲所向隸太常寺管理。乾隆二十六年改屬內務府。設

廐長一人。廐副二人。廐丁七人。所軍九人。草夫二十人。廐長廐副廐丁應給銀米。與牛圈同。所軍月各給銀三錢九分。歲各給布四丈。棉花一斤。草夫月各給銀一兩。米一斛。額養黑牛一百一十隻。由張家口外三旗牛羣揀選送京。如不足。由順天府採買。分牧三圈。頭圈站牛八十隻。二圈續牛八十隻。三圈備養牛六十隻。頭圈二圈。每牛日給豆四升。糟六升。八月至三月。日給穀草一束。羊草一束。四月至七月。日給穀草二束。俱不出青。其第三圈於四月至九月出青。十月至三月。所用草豆減半支給。每年牛百隻。准倒斃十二隻。至每年祭祀應用豬四百餘隻。羊

四百餘隻。由左右兩翼採買。每翼歲交銀八百兩。作牧養之費。以其贏餘給該所官二成。太常

寺官
八成。



--	--	--	--	--	--	--	--	--	--



